

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 21.02.2018թ. թիվ 1807652209 որոշման հիմքում դրված փաստական հանգամանքների դեմ բերված գանգաւոն առանց բավարարման թողնելու մասին

<< 02 >> 04 2018թ. 12 4 - 32591 78 / 12 4 - 5224

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Հայկ Խոփչյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Շիրակի մարզի Գյումրի քաղաքի Վարդ Բաղ 4-րդ թաղամասի 1-ին միկրոշրջանի 6-րդ շենքի 30-րդ բնակարանի բնակիչ Հայկ Խոփչյանը դիմումով հայտնել է, որ 12.02.2018-ին ժամը՝ 09:29-ին <<HONDA>> մակնիշի 34 ՍՊ 235 հաշվառման համարանիշի տրանսպորտային միջոցը վարել ինքը, ուստի խնդրել է անվավեր ճանաչել տվյալ ժամանակահատվածում կատարված երթևեկության կանոնների խախտման համար կայացված Ճանապարհային ոստիկանության վարչական տույժ նշանակելու մասին 21.02.2018թ. թիվ 1807652209 որոշումը՝ նշելով, որ իրավախախտումն արձանագրված վայրում հատվող երթևեկելի մաս չի նկատել:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Հայկ Խոփչյանը ճանաչվել է որպես իրավախախտում կատարած անձ, ուստի նրա կողմից ներկայացված գանգաւոր ենթակա է քննության:

Դիմումի քննարկման արդյունքում պարզվել է, որ դիմումատուի փաստարկը վարչական ակտն անվավեր ճանաչելու հիմք չի կարող հանդիսանալ հետևյալ պարզառարանությամբ.

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 84-րդ կետի 6-րդ ենթակետի համաձայն՝ կանգառն արգելվում է խաչմերուկներում, երթևեկելի մասերի հատման վրա և հատվող երթևեկելի մասի եզրից 5 մ պակաս վայրում՝ բացառությամբ երթևեկելի մասերի եռակողմ հատման հոծ գծով կամ բաժանարար գոտիով առանձնացված կողմի վրա (շարունակություն չունեցող կողմի դիմաց): Իրավախախտումն ամրագրած տեսանյութը փաստում է, որ դիմումատուին պատկանող տրանսպորտային միջոցը տեղակայված է հատվող երթևեկելի մասի եզրից ականհայտորեն 5մ-ից պակաս վայրում:

Այսպիսով դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասի հատկանիշները, հետևաբար նրան վարչական պատասխանատվության ենթարկելու մասին որոշումն օրինական է և իրավաչափ:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասով և 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Հայկ Խոփչյանի՝ Ճանապարհային ոստիկանության վարչական տույժ նշանակելու մասին 21.02.2018թ. թիվ 1807652209 որոշման հիմքում դրված փաստական հանգամանքների դեմ բերված գանգաւոր թողնել առանց բավարարման:
2. Հանձնարարել ՏՄՀԽԱ կենտրոնին, Հայկ Խոփչյանի անվամբ կայացնել նոր վարչական ակտ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Հայկ Խոփչյանին և ՃՈ ՏՄՀԽԱ կենտրոն:

Կարգող՝ Հ. Սաֆարյան



Handwritten signature of E. Karapetian

Ե. Կարապետյան